

Na osnovu člana 16. Zakona o igrama na sreću ("Sl. novine FBiH", broj 1/02. i 40/10.) i člana 13. Statuta Lutrije Bosne i Hercegovine d.o.o. Sarajevo ("Sl. novine FBiH", broj 43/03.), Upravni odbor Lutrije Bosne i Hercegovine na sjednici održanoj dana 13.03.2014. godine, donio je

P R A V I L A

IGRE NA SREĆU TV TOMBOLA BINGO

1. OSNOVNE ODREDBE

Član 1.

Ovim Pravilima propisuju se uslovi za priređivanje klasične igre na sreću TV TOMBOLA BINGO i to 15 od 90 brojeva (u daljem tekstu: TV TOMBOLA BINGO).

Član 2.

Klasična igra na sreću TV TOMBOLA BINGO je brojčana igra sa izvlačenjem brojeva putem elektronskog bubnja, u kojoj se unaprijed utvrđuje visina fonda dobitaka, a na osnovu utvrđenog procenta.

Član 3.

Za obaveze prema učesnicima, priređivač odgovara svim svojim sredstvima, ako su ispunjeni uslovi utvrđeni ovim Pravilima.

Za isplatu dobitaka igre TV TOMBOLE BINGO garantuje Vlada Federacije BiH.

Član 4.

Shodno članu 24. Zakona o igrama na sreću, zbog zakonitog izvršavanja obaveza iz svoje profesionalne djelatnosti prema pravilima struke i običajima, ovim članom priređivač utvrđuje slijedeće obavezne sastojke Pravila igre TV TOMBOLA BINGO:

1. osnovne odredbe;
2. naziv i sjedište priređivača, opis i vrijeme trajanja igre;
3. uslovi za učestvovanje u igri na sreću;
4. opis pomoćnog listića, potvrde i sadržaj SMS poruka;
5. područje na kojem se priređuje igra;
6. pojedinačna cijena igre s tri kombinacije;
7. krajnji rok uplate za učestvovanje u igri;
8. ukupna vrijednost uplate pojedinog kola igre;
9. visina fonda dobitaka i vrste dobitaka;
10. učešće u igri igrač-gost „ŠANSA VIŠE“;
11. vanredna kola igre na sreću TV Tombola Bingo;
12. način, postupak i nadzor izvlačenja, odnosno utvrđivanja dobitaka;
13. način objavljivanja iznosa uplate, fonda dobitaka i rezultata igre;
14. način i rok isplate dobitaka;
15. način upoznavanja učesnika u igri s ovim Pravilima;
16. postupak u slučaju otkazivanja izvlačenja;
17. prijelazne i završne odredbe.

2. NAZIV I SJEDIŠTE PRIREĐIVAČA, OPIS I VRIJEME TRAJANJA IGRE TV TOMBOLA BINGO

Član 5.

Ova Pravila su osnov za zaključivanje ugovora o učestvovanju u igri TV TOMBOLA BINGO.

Ugovor iz stava 1. ovog člana zaključuje se između Lutrije BiH d.o.o. Sarajevo, sa sjedištem u Sarajevu, ul. Mehmeda Spahe br.11. (u daljem tekstu: priređivač) i učesnika (igrač) na osnovu prihvatanja općih uslova propisanih i sadržanih u ovim Pravilima, po slobodno izraženoj volji učesnika, činom uplate za učestvovanje u igri TV TOMBOLA BINGO koju dokazuje posjedovanjem potvrde o uplati ili SMS poruke sa naplatnim kodom.

Član 6.

Učesnikom u igri TV TOMBOLA BINGO smatra se osoba koja je sa priređivačem zaključila ugovor iz člana 5. ovih Pravila, koji kao dokaz posjeduje potvrdu o uplati ili SMS poruku sa naplatnim kodom (u daljem tekstu: potvrda) pod uslovom da je njen sadržaj zapisan na optički medij /CD, DVD, u zavisnosti od količine podataka /prije izvlačenja brojeva, te da su ispisi na potvrdi ili SMS poruci i na optičkom mediju /CD-u, DVD-u / istovjetni.

Član 7.

Igra TV TOMBOLA BINGO priređuje se tokom cijele godine po kolima. Redovna kola se održavaju jednom sedmično i to petkom, a vanredna kola u skladu sa odlukom generalnog direktora.

U svakom kolu igre TV TOMBOLA BINGO izvlače se brojevi iz grupe od 1 do 90.

Član 8.

Uplate za igru TV TOMBOLA BINGO primaju se putem on-line sistema upotrebom pomoćnih listića i SMS poruka.

Načini ispisa kombinacija brojeva, odnosno otiska drugih podataka na potvrdi pobježe su uređeni članom 17., 18., 20. i 21. ovih Pravila.

Član 9.

Izvlačenje brojeva obavlja se putem elektronskog bubnja u kojoj je smješteno 90 kuglica s ispisanim brojevima, od broja 1 do broja 90.

3. USLOVI ZA UČESTVOVANJE U IGRI TV TOMBOLA BINGO

Član 10.

U igri TV TOMBOLA BINGO učestvuju samo kombinacije brojeva koje su ispisane na potvrdama.

Ako postoje neslaganja između kombinacija ispisanih na pomoćnom listiću i potvrdi važi zapis na potvrdi, odnosno DVD-u.

Član 11.

Potvrda učestvuje u onom kolu igre TV TOMBOLA BINGO za koje je izvršena uplata, saglasno članu 6. ovih Pravila.

Član 12.

Dokaz za učestvovanje u igri TV BINGO 15 od 90 kod on-line sistema isključivo je potvrda o uplati ili SMS poruka sa naplatnim kodom (KOD 2).

Član 13.

Uplata on-line sistemom počinje očitavanjem pomoćnog listića, a završava izdavanjem potvrde o uplati.

Uplata putem SMS poruke regulisano je članom 20. i 21. ovih Pravila.

Član 14.

Nakon izvršene uplate, igraču se izdaje potvrda koja mora sadržavati sve podatke navedene u članu 18. i 20. ovih Pravila.

Član 15.

Potvrde koje nemaju podatke određene u članu 18. i 20. ovih Pravila su nevažeće.

Učesnik u igri TV TOMBOLA BINGO dužan je pri uplati provjeriti ispravnost potvrde u smislu stava 1.ovog člana.

U protivnom, naknadni prigovori se ne uvažavaju.

Član 16.

Učesnik u igri na sreću TV Tombola Bingo obavezno učestvuje i u igri na sreću Bingo plus.

4. OPIS POMOĆNOG LISTIĆA, POTVRDE I SADRŽAJ SMS PORUKA ZA IGRU TV TOMBOLA BINGO

Član 17.

Pomoćni listić za igru TV TOMBOLA BINGO, pravougaonog je oblika, dimenzija 140 x 70 mm.

Pomoćni listić se sastoji od lica i naličja.

a.) Lice pomoćnog listića

Lice pomoćnog listića za igru TV TOMBOLA BINGO sadrži tri (3) kombinacije brojeva za igru.

Svaka se kombinacija sastoji od dvadesetsedam (27) polja poredanih u tri jednaka reda u kojima je otisnuto petnaest (15) različitih brojeva od 1 do 90, po pet brojeva u svakom redu i najmanje jednim brojem u svakom od 9 stupaca.

Osim navedenog, na pomoćnom listiću otisnuti su još slijedeći podaci:

- tekst: »TV BINGO! 15 od 90«;
- tekst: »Priređivač: Lutrija BiH«;
- sjedište i internet adresa priređivača;
- broj serije (trocifreni broj);
- redni broj listića (sedmocifreni broj);
- kontrolni broj listića (dvocifreni broj);
- oznaka A ili oznaka B;
- logotip priređivača;
- tri kombinacije brojeva;
- redni broj kombinacija (jednocifreni broj);
- serijski broj listića sastoji se od broja serije i rednog broja listića i kontrolnog broja;
- plus broj / za dodatnu igru /;
- bar kod za serijski broj;
- slovne oznake /A,B,C,D,E,F / na desnoj strani listića.

b.) Naličje pomoćnog listića

Na naličju pomoćnog listića nalazi se prostor za reklamne poruke i obavještenja za igrače.

Član 18.

Potvrda o uplati, gledajući odozgo prema dole, sadrži ove podatke:

- "Lutrija BiH" d.o.o. / logo i naziv priređivača /;
- tekst: »POTVRDA O UPLATI«;
- tekst: »TV BINGO«;
- broj važećeg kola;
- uplatni broj (operativni broj prodavača i redni broj potvrde);
- tekst: »KOMBINACIJE«;
- ispis 45 različitih brojeva u tri kombinacije, svaka od 15 brojeva;
- bingo plus,
- tekst: »Serijski broj«, broj serije (trocifreni broj), redni broj listića (sedmocifreni broj) i kontrolni broj listića (dvocifreni broj);
- tekst: »Iznos«, iznos u KM;
- broj uplatnog mjesta, datum i vrijeme uplate i
- kontrolni kod.

Član 19.

U jednom kolu igre TV TOMBOLA BINGO ne mogu se pojaviti dvije iste kombinacije brojeva.

Član 20.

UPLATA PUTEM SMS PORUKE

Igru na sreću TV Tombola Bingo mogu uplatiti samo korisnici prepaid usluge putem SMS poruke.

Usluga se realizuje na način da igrač zahtjeva isporuku određenog broja pomoćnih listića slanjem SMS poruke na broj **062-02999** i na broj **063-02999** sa sadržajem RBx za redovna kola TV Tombole Bingo (RB označava redovno Bingo) i VBx za vanredna kola TV

Tombole Bingo (VB označava vanredno Bingo) (x označava broj naručenih pomoćnih listića i može biti 1,2,3 ili 4).

U jednoj poruci se ne može tražiti isporuka više od 4 pomoćna listića.

Uplata putem SMS poruke će se bliže urediti Uputstvom generalnog direktora.

SADRŽAJ SMS PORUKE

Igrač koji je poslao SMS poruku na broj telefona naveden u prethodnom stavu dobija povratnu poruku (zahtjev za potvrdu uplate – KOD 1) sa uputstvom za dalje postupanje i slijedećim sadržajem:

- ID# praćen je sa 22 karaktera-znakova (KOD 1), cijenu u zavisnosti od broja naručenih pomoćnih listića, broj telefona usluge te upozorenje o čuvanju poruke.

Igrač koji je izvršio potvrdu uplate (poslao SMS poruku koja sadrži KOD 1) na broj telefona naveden u prethodnom članu dobija povratne SMS poruke sa slijedećim sadržajem:

- Oznaka za redovno ili vanredno kolo, broj kola, bingo+ broj i naplatni kod (KOD 2) sa oznakom P praćen sa 20 karaktera-znakova.
- Poruka/e sa pomoćnim listićem kombinacije sadrži oznaku serije, 3 kombinacije sa po 15 brojeva, pri čemu je svaka kombinacija formirana u tri reda sa po 5 brojeva.

Član 21.

Igrač je dužan da sačuva SMS poruku koja sadrži KOD 1 radi identifikacije zahtjeva za učešćem u igri.

Na osnovu KODA 1 može se utvrditi na koji zahtjev igrač nije dobio odgovor.

Ukoliko igrač nije dobio poruku sa KOD-om 1, ima mogućnost da dostavi novu SMS poruku, kojom inicira postupak ostvarivanja učešća u igri.

KOD 2 je isključivi dokaz o učešću u igri i naplati dobitaka.

U slučaju da igraču ne bude isporučena SMS poruka koja sadrži KOD 2 koji je isključivi dokaz da igrač učestvuje u igri, a izvršena je naplata ukupne cijene za naručenu količinu pomoćnih listića, igrač može tražiti naknadnu isporuku ove SMS poruke. Ponovno dostavljanje neisporučene SMS poruke koja sadrži KOD 2, provodi se posredovanjem Help desk Priređivača, uz identifikaciju igrača putem KODA 1.

Član 22.

Za jednu uplatu putem SMS poruke mobilni operater igraču naplaćuje dvije poruke u skladu sa Cjenovnikom usluga u unutrašnjem i međunarodnom saobraćaju.

5. PODRUČJE NA KOJEM SE PRIREĐUJE IGRA TV TOMBOLA BINGO

Član 23.

Igra TV TOMBOLA BINGO priređuje se na teritoriji Federacije Bosne i Hercegovine.

Član 24.

Uplate za učestvovanje u igri TV TOMBOLA BINGO primaju se na uplatno prodajnim mjestima priređivača, zastupnika te putem SMS poruka.

6. POJEDINAČNA CIJENA IGRE S TRI KOMBINACIJE

Član 25.

Pojedinačna cijena potvrde i zvaničnog pomoćnog listića s tri kombinacije redovnog kola za učestvovanje u igri TV TOMBOLA BINGO iznosi 1,50 KM, a za vanredno kolo cijena iznosi 2,00 KM.

7. KRAJNI ROK UPLATE ZA UČESTVOVANJE U IGRI TV TOMBOLA BINGO

Član 26.

Uplate za učestvovanje u igri TV TOMBOLA BINGO primaju se do roka koji određuje priređivač.

8. UKUPNA VRIJEDNOST UPLATE POJEDINOG KOLA IGRE TV TOMBOLA BINGO

Član 27.

Uplatu pojedinog kola igre TV TOMBOLA BINGO čini iznos primljenih uplata za učestvovanje u pripadajućem kolu igre TV TOMBOLA BINGO saglasno zapisima na DVDu.

Nakon zaključenja uplate TV TOMBOLA BINGO, a prije izvlačenja brojeva određenog kola igre TV TOMBOLA BINGO, snimak uplata na DVD-u pohranjuje se u trezor Komisije za utvrđivanje dobitaka.

9. VISINA FONDA DOBITAKA I VRSTE DOBITAKA

Član 28.

Fond dobitaka u pojedinom kolu igre TV TOMBOLA BINGO iznosi 60% od ukupne uplate.

Iznos fonda dobitaka za pojedino kolo mora biti objavljen prije početka TV izvlačenja brojeva igre TV TOMBOLA BINGO.

U igri TV Tombola Bingo postoji sedam vrsta dobitaka i to:

- dobitak prve vrste - jack pot ili bingo;
- dobitak druge vrste - deset pogodaka;
- dobitak treće vrste - pet pogodaka;
- dobitak četvrte vrste - četrnaest pogodaka, koji nisu ostvarili deseterac;
- dobitak pete vrste - trinaest pogodaka, koji nisu ostvarili deseterac;
- dobici u igri igrač-gost „Šansa više,, i
- grupni dobitak za učesnike u studiju.

Član 29.

Fond dobitaka se dijeli na:

- Fond za igru igrač-gost, u fiksnom iznosu od 10.000,00 KM.
- Grupni dobitak za učesnike u studiju u iznosu od 5.000,00 KM do 10.000,00 KM.
- Fond za dobitak 14 pogodaka, u fiksnom iznosu od 5.000,00 KM.

Ostatak fonda se dijeli na ove omjere:

- Bingo50%
- Deset pogodaka.....15%
- Pet pogodaka-minimalan dobitak 4,00 KM35%

Ako ostvareni fond u kolu nije dovoljan za isplatu dobitaka od 4 KM, Priređivač može iznos razlike nadoknaditi iz fonda neisplaćenih dobitaka, odlukom generalnog direktora.

Iznos fonda dobitaka, za svaku vrstu dobitka, se dijeli na jednake iznose, ovisno o ukupnom broju dobitaka te vrste.

Učesnici u studiju mogu osvojiti pojedinačne promotivne nagrade koje se utvrđuju odlukom generalnog direktora.

Odlukom generalnog direktora Priređivača, vrsta i način dodjele pojedinačnih promotivnih nagrada iz prethodnog stava ovog člana, mogu biti promijenjeni.

Pojedinačne promotivne nagrade osvajaju gosti u studiju čiji se broj bedža podudara sa svakim petim izvučenim brojem i posljednjim izvučenim brojem.

Odlukom generalnog direktora priređivača određuju se učesnici u studiju.

U slučaju kada akumulirani Jack pot u TV Tomboli Bingo pređe iznos od 1.000.000,00 KM, raspodjela fonda dobitaka tekućeg kola, može se vršiti na slijedeći način:

- Bingo30%
- Deset pogodaka.....20%
- Pet pogodaka-minimalan dobitak 4 KM.....50%.

U slučaju kada akumulirani Jack pot u TV Tomboli Bingo pređe iznos od 1.000.000,00 KM, dio akumuliranog Jack pota, može se iskoristiti za uvećanje fonda dobitaka tekućeg kola.

Odluke o raspodjeli fonda dobitaka na način naveden u predhodna dva stava ovog člana donosi Upravni odbor Lurije BiH, na prijedlog generalnog direktora.

DOBITAK PRVE VRSTE-JACKPOT ILI BINGO

Član 30.

Ako je na jednoj od tri kombinacije ispisanog na potvrdi pogodeno svih petnaest do tada izvučenih brojeva, počevši od:

-15.(petnaestog) izvučenog broja do zaključno sa 33. (tridesettrećim) izvučenim brojem dobitak je Jackpot (u daljem tekstu: Jackpot).

-34.(tridesetčetvrtog) do zaključno sa 36. (tridesetšestim) izvučenim brojem, dobitak je 60% fonda BINGA tekućeg kola (u daljem tekstu: BINGO 36), a ostalih 40% se akumulira u fond Jackpota,

-37.(tridesetisedmog) izvučeni broj, pa nadalje, dobitak je 50% fonda BINGA tekućeg kola (u daljem tekstu: BINGO 37+) a ostalih 50% se akumulira se u fond Jackpot.

Ukoliko Upravni odbor donese Odluku u skladu sa članom 29. stav 11. ovih Pravila, a pogođeno je svih petnaest brojeva do zaključno sa 36. izvučenim brojem, dobitak čini 90% fonda Binga tekućeg kola, a ostatak od 10 % se akumulira u fond Jack pota.

Ukoliko je pogođeno svih petnaest brojeva nakon 37. izvučnog broja pa nadalje, dobitak čini 80% fonda Binga tekućeg kola, a ostatak od 20% se akumulira u fond Jack pota.

DOBITAK DRUGE VRSTE- 10 POGODAKA

Dobitak druge vrste-deset pogodaka ostvaruje se zaključno sa 33. (tridesettrećim) izvučenim brojem, ako je pogodjeno svih deset brojeva u bilo koja dva reda jedne kombinacije ispisane na potvrdi.

Ako se do 33. (tridesettrećeg) broja ne ostvari dobitak druge vrste, fond dobitaka druge vrste prenosi se u fond dobitaka treće vrste.

DOBITAK TREĆE VRSTE- 5 POGODAKA

Dobitak treće vrste - pet pogodaka se ostvaruje zaključno sa 33. (tridesettrećim) izvučenim brojem, ako je pogodjeno svih pet brojeva u bilo kojem redu jedne kombinacije ispisane na potvrdi.

DOBITAK ČETVORTE VRSTE – 14 POGODAKA

Dobitak 14 pogodaka utvrđuje se kada se ostvari Bingo i svi igrači koji imaju 14 pogođenih brojeva, a nisu ostvarili deseterac, dobijaju po 200,00 KM.

Sredstva za ove dobitke izdvajaju se iz formiranog fonda odnosnog kola u iznosu od 5.000,00 KM, a ukoliko je taj iznos nedovoljan, razlika se namiruje iz fonda neisplaćenih dobitaka, osim u vanrednom kolu .

DOBITAK PETE VRSTE – 13 POGODAKA

Dobitak 13 pogodaka utvrđuje se kada se ostvari Jack pot ili Bingo i svi igrači koji imaju 13 pogođenih brojeva, a nisu ostvarili deseterac, dobijaju dva systemska listića sa Bingom plus, gratis i eventualno peterac ostvaren do 33. broja.

Ovi dobici, gratis listići, obezbjeđuju se iz fonda neisplaćenih dobitaka.

GRUPNI DOBITAK ZA UČESNIKE U STUDIJU

Predstavnici svih učesnika u studiju (kulturno umjetnička društva, sportska društva, itd.) koji prisustvuju javnom izvlačenju igre TV Tombola Bingo učestvuju u igri „Strugalica“ putem koje ostvaruju grupni dobitak za društvo koje predstavljaju. Igra „Strugalica“ se priređuje putem panoa (Strugalice) na kojem se nalazi 6 polja u kojima su ispisani fiksni dobitci u iznosima od 5.000,00 KM; 6.000,00 KM; 7.000,00 KM; 8.000,00 KM; 9.000,00 KM i 10.000,00 KM. Svi navedeni novčani iznosi su nasumično poredani, prekriveni zaštitnom scratch-off emulzijom i označeni sa brojevima od 1 do 6.

Predstavnik učesnika u studiju u ovoj igri učestvuje tako što odabere dva od šest ponuđenih brojeva i saopšti ih voditelju emisije. Nakon odabira brojeva predstavnik učesnika u studiju grebanjem prvo skida zaštitnu scratch-off emulziju sa drugog broja kojeg je odabrao. Nakon što se skidanjem zaštitne scratch off emulzije utvrdi tačan novčani iznos koji je prikriiven ispod tog polja voditelj igraču nudi opciju da li prihvata taj iznos ili ga odbija i želi da otkrije polje ispod prvog broja kojeg je odabrao.

U slučaju da igrač prihvati novčani iznos koji se otkrije nakon skidanja emulzije sa drugog broja kojeg je odabrao, tada taj novčani iznos predstavlja konačni dobitak.

U slučaju da igrač odbije da prihvati novčani iznos sa polja koje je već otkrio, otkriveni iznos sa drugog polja je konačan dobitak.

Član 31.

Priređivač garantuje Jackpot u iznosu od 300.000 KM.

Iznos iz stava 1. ovog člana se može mjenjati odlukom generalnog direktora.

Ako se dobitak Jackpota ne ostvari, a ostvaren je dobitak Bingo 36 ili Bingo 37+, neisplaćeni dio iznosa fonda dobitaka Binga tekućeg kola pridodaje se i akumulira isključivo u fond Jackpota.

Član 32.

Izvlačenje se obavlja sve dok se ne ostvari dobitak BINGO.

Ako se Jackpot ostvari počevši od 15.(petnaestog) izvučenog broja do zaključno 33(tridesettrećeg) izvučenog broja, izvlačenje se završava i utvrđuju se dobitci prve, druge i treće vrste.

Ako se Jackpot ne ostvari zaključno sa 33(tridesettrećim) izvučenim brojem, tada se zaključuje broj dobitaka druge i treće vrste.

Izvlačenje se nastavlja dok se ne ostvari dobitak prve vrste kako slijedi:

-Bingo 36, počevši od 34(tridesetčetvrtog) izvučenog broja do zaključno 36(tridesetšestog) izvučenog broja,

-Bingo 37+, počevši od 37.(tridesetsedmog) izvučenog broja do, ostvarenja tog dobitka.

Na jednoj od kombinacija brojeva za igru TV TOMBOLA BINGO moguće je ostvariti samo jednu vrstu dobitka, s time da dobitak više vrste isključuje dobitak(ke) niže vrste, osim kod dobitaka pete vrste.

10. ZADNJE KOLO REDOVNOG BINGA U MJESECU

Član 32.a

Svakog mjeseca u zadnjem redovnom kolu TV Tombole Bingo, kompletan fond dobitaka tog kola će biti podjeljen igračima, a izvlačenje će se izvršiti sa 33. izvučenim brojem.

Generalni direktor Lutrije BiH donosi Odluku o nazivu i načinu priređivanju zadnjeg kola u mjesecu.

Ova odluka sadrži raspodjelu fonda i vrste dobitaka u zadnjem kolu mjeseca i sl..

11. UČEŠĆE U IGRI IGRAČ-GOST „ŠANSA VIŠE“

Član 33.

Svi imaoći potvrde o uplati TV Binga mogu učestvovati u igri igrač-gost, putem SMS poruke, na način da u poruci, upućenoj na određeni broj telefona Lutrije BiH, bude ispisan serijski broj pomoćnog ističa ispisan na potvrdi o uplaćenom TV Bingu za tekuće kolo. Putem poruke može se poslati samo jednom isti broj potvrde.

Izvlačenje dobitnika ove igre vrši se slučajnim odabirom 5/pet/dobitnika u tekućem kolu, koji će učestvovati isključivo u narednoj emisiji TV Binga, uz prezentaciju potvrde o uplaćenom TV Bingu. Dobitnici koji se ne pojave u narednoj emisiji gube pravo naknadnog učešća.

Ukoliko je igrač došao u studio, a poslije nije u mogućnosti iz bilo kog razloga izvlačiti dobitke, za njega to radi voditelj programa.

Ukoliko voditelj programa u prvom pokušaju otvori polje sa dobitkom većim od 500,00 KM, a različitim od 1.000+ taj iznos je konačan.

Ukoliko voditelj programa otvori prvo polje sa 500,00 KM obavezno otvara drugo polje, a ako je dobitak na drugom polju različit od 1.000 + taj dobitak je konačan, a ako je dobitak na drugom polju 1.000+ voditelj programa otvara treće polje i zbir vrijednosti drugog i trećeg polja je konačan.

Ukoliko voditelj programa otvori prvo polje sa vrijednošću 1.000+ otvara drugo polje i zbir vrijednosti prvog i drugog polja je konačan.

Voditelj programa bira igrača- gosta za slijedeće kolo.

Ukoliko učesnik u igri putem SMS poruke ne posjeduje original potvrdu o uplati TV Binga /zbog gubitka ili uništenja iste/, može učestvovati u igri, na osnovu pismenog zahtjeva uz provjeru od strane Odjeljenja EOP-a da je poruka poslana sa broja mobilnog telefona i izlistanih potvrda o izvršenoj uplati putem SMS koja je snimljena na DVD-u.

U TV studiju na touch screen ekranu nalazi se 15 /petnaest / prekrivenih polja sa fiksnim i promjenjivim dobitcima:

- Fiksni dobitci su:
- 1x2.500,00 KM; 1x2.000,00 KM; 2x 1.500,00 KM; 2x 1.000,00 KM; 3x 500,00 KM i 1x1.000 + .
- Promjenjivi dobitci su :
- 1x5.000,00 KM; 2x1.500,00 KM; 2x1.000,00 KM uvećani za eventualni ostatak iz prethodnog kola.

Fond za igru igrač-gost u visini od 10.000,00 KM / iz člana 29. Pravila / uvećan za eventualni ostatak iz prethodnog kola čini sumu varijabilnih dobitaka tekućeg kola. Ona se dijeli na 5 varijabilnih dobitaka prema sljedećim procentima: 1x50%, 2x15%, 2x10%. Visina pojedinih dobitaka zaokružuje se na desetice.

Ukoliko je suma ostvarenih dobitaka u tekućem kolu manja od sume varijabilnih dobitaka tekućeg kola, razlika (ostatak) se prenosi u naredno kolo.

Ukoliko je suma ostvarenih dobitaka u tekućem kolu veća od sume varijabilnih dobitaka tekućeg kola, razlika se obezbjeđuje iz fonda nisplaćenih dobitaka.

Redosljed po kojem gosti igrači izvlače dobitke u skladu je sa redosljedom po kojem su izvučeni u prethodnom kolu.

SMS igrač bira i otvara polja na touch screen ekranu.

Nakon što je otvorio polje sa dobitkom, ukoliko igrač prihvata taj dobitak pritiskom na polje "UZIMAM" završava igru. Ukoliko igrač ne prihvata otvoreno polje sa dobitkom, pritiskom na polje "RIZIKUJEM" gubi pravo na prethodni dobitak i otvara novo polje i osvojeni iznos na novootvorenom polju je konačan.

U slučaju nepodudaranja rečenog polja i odigranog polja, važeće je odigrano polje (polje odabrano pritiskom na touch screen).

Igrač u daljem postupku birajući novog gost-igrača, za naredno kolo, završava igru.

Dobitak 1.000 +

Ukoliko jedan od igrača, u prvom pokušaju prilikom izbora i otvaranja polja, otvori polje sa iznosom 1000 +, ima pravo otvoriti još dva nova polja. Ukoliko je igrač sa iznosom dobitka u novootvorenom polju zadovoljan, završava otvaranje polja i osvaja taj dobitak uvećan za 1.000,00 KM.

Ukoliko igrač nije zadovoljan sa dobitkom iz predhodnog stava, otvara novo polje i ostvaruje samo dobitak sa otvorenog polja.

Ukoliko jedan od igrača u drugom pokušaju ostvari dobitak 1.000+, gubi pravo na ostvareni dobitak iz prvog pokušaja i obavezan je otvoriti novo polje, na dobitak tog novog polja dodaje se iznos od 1.000,00 KM, što postaje konačan dobitak.

U slučaju da prije početka ili u toku SMS igre nastane kvar na elektronskoj opremi, igra se nastavlja biranjem koverti od 1 do 15, u kojima se nalaze dobici za tekuće kolo prema istom rasporedu kao i na touch screen ekranu.

Koverta sa oznakama polja koja su ranije otvorena, izdvajaju se i ne učestvuju u izvlačenju.

Svi imaooci potvrde o uplati TV Binga koji su poslali SMS poruku za učešće u igri igrač-gost, imaju mogućnost osvojiti dodatnu nagradu utvrđenu odlukom generalnog direktora.

Dobitnik će se izvlačiti iz baze primljenih SMS poruka za tekuće kolo.

Generalni direktor svojom odlukom utvrđuje sadržaj SMS igre i način raspodjele fonda dobitaka iz ovog člana.

Svi igrači koji uplatu u igri TV Bingo izvrše putem SMS-a, pošalju SMS za učešće u igri igrač gost "ŠANSA VIŠE" ili pošalju SMS za Vanredna kola TV Bingo i budu registrovani u bazi poslanih SMS poruka pristaju na prijem SMS obavještenja od strane Lutrije BiH.

11. VANREDNA KOLA IGRE NA SREĆU TV TOMBOLA BINGO

Član 34.

Generalni direktor Lutrije BiH donosi Odluku o priređivanju vanrednog kola ove igre na sreću.

Član 35.

Odluka iz člana 34. Pravila sadrži: vrijeme prodaje vanrednog kola, cijena pomoćnog listića sa tri kombinacije, raspodjelu fonda i vrste dobitaka vanrednog kola, vrijeme izvlačenja dobitaka i sl.

12. NAČIN, POSTUPAK I NADZOR IZVLAČENJA ODNOSNO UTVRĐIVANJA DOBITAKA

Član 36.

Izvlačenje dobitaka i nadzor

Javnost izvlačenja TV Tombole Bingo se obezbjeđuje, pored direktnog izvlačenja i učešćem gledalaca u studiju.

Javno izvlačenje brojeva igre TV Tombola Bingo 15 od 90 obavlja se pred Komisijom i gledaocima u studiju TV. Komisija se sastoji od najmanje tri člana, koje imenuje priređivač, u čijem se sastavu nalazi ovlašteni službenik Ministarstva finansija-financija F BiH i dva predstavnika Lutrije BiH.

Rad Komisije se utvrđuje posebnim Uputstvom koji donosi priređivač.

Tehnikom izvlačenja brojeva rukuje ovlaštena osoba priređivača, na osnovu Uputstva generalnog direktora.

Izvlačenje brojeva u igri TV TOMBOLE BINGO vrši se pomoću naprave (elektronskog bubnja).

Nakon napuštanja prostora za miješanje i autorizacijom broja od strane Komisije smatra se da je broj izvučen.

Ukoliko u toku izvlačenja dođe do bilo kakvog tehničkog kvara na opremi za izvlačenje Komisija odlučuje o daljem toku izvlačenja u skladu sa Uputstvom o radu Komisije koje donosi generalni direktor.

Ukoliko Komisija donese odluku o ručnom izvlačenju, ručno izvlačenje obavlja jedan od članova Komisije, sa povezom preko očiju.

Izvučena kuglica s brojem prije kvara verifikovana od strane Komisije ne učestvuje ponovo u izvlačenju.

Postupak izvlačenja se nastavlja dok se ne ostvari dobitak, utvrđen Pravilima za odnosno kolo.

Podaci o svim uplatama i kombinacijama koje su odigrane u igri TV BINGO 15 od 90 pohranjuju se u memoriji računara kojim se prati izvlačenje brojeva, utvrđuje se broj dobitnih kombinacija, vrste dobitaka i njihova visina, kao i mjesta na kojima su uplaćene dobitne kombinacije brojeva.

Član 37.

O toku izvlačenja prisutna Komisija vodi zapisnik.

Zapisnik mora sadržavati: mjesto i vrijeme, način izvlačenja dobitaka, ukupnu uplatu u tom kolu, izvučene brojeve tokom izvlačenja po redosljedu izvlačenja, dobiti u igri igrač-gost i brojevi pomoćnih listića poslatih SMS porukama, nagrade za učesnike u studiju kao i iznos ostvarenog dobitka.

Zapisnik o toku izvlačenja brojeva priređivač dostavlja Ministarstvu finansija-financija u roku od sedam dana od dana izvlačenja.

Zapisnik potpisuju svi članovi Komisije.

Utvrđivanje dobitaka

Član 38.

Za postupak utvrđivanja dobitaka, nadležna je Komisija za utvrđivanje dobitaka.

Za postupak utvrđivanja dobitaka Komisija preuzima dobitne kombinacije od službe EOP-a sastavljene na osnovu zapisnika Komisije za izvlačenje brojeva.

Ispravnost utvrđenih dobitaka Komisija utvrđuje usporedbom sa snimcima na DVD-u.

Ispravnost elektronski utvrđenih dobitaka koji se isplacuju odmah po privremenom izvještaju Komisija utvrđuje metodom slučajnog odabira uzoraka.

Komisija zapisnički konstatuje ispravnost izvještaja o dobitcima koje izrađuje Odjeljenje EOP-a u okviru kojeg pregledava iznos uplate za pojedino kolo svake igre na sreću i iznos nagradnog fonda po vrstama dobitaka.

Komisija je obavezna izvršiti provjeru utvrđenog stanja svih dobitaka i pojedinačnih iznosa svih dobitaka po vrstama.

Članove Komisije za utvrđivanje dobitaka imenuje priređivač.

Komisija je dužna snimke uplata na DVD-u pohraniti blagovremeno u trezor.

Dužnost Komisije je da u prisustvu sva tri člana otključa vrata trezora po principu suključarstva (svaki član ima po jedan ključ, a sva tri ključa su potrebna za otključavanje trezora). Rezervni ključevi mogu se koristiti u slučajevima izostanka jednog od članova Komisije uz obavezno sastavljanje primopredajnog zapisnika.

Nakon toga trezor se zaključava sa tri različita ključa koji se nalaze kod članova Komisije. Kod svakog člana Komisije može se nalaziti samo jedan ključ.

Na temelju izvršene uplate (pohranjenih zapisa na DVD-u u trezoru) i zapisnika o izvlačenju u svakom pojedinom kolu, Komisija utvrđuje ukupan iznos uplate, fond dobitaka po vrstama dobitaka i broj pojedinačnih dobitaka po vrsti i iznosu, o čemu je dužna sačiniti zapisnik u roku od dva dana od objavljenog izvlačenja brojeva igre TV TOMBOLA BINGO.

Rad Komisije se utvrđuje posebnim Pravilnikom i Procedurom koje donosi priređivač.

13. NAČIN OBJAVLJIVANJA IZNOSA UPLATE FONDA DOBITAKA I REZULTATA IGRE

Član 39.

Izvještaj o iznosu uplate fonda dobitaka za pojedino kolo igre TV TOMBOLA BINGO objavljuje se u sklopu javnog izvlačenja brojeva toga kola, neposredno prije početka samog izvlačenja brojeva.

Izvještaj iz stava 1.ovog člana smatra se nezvaničnim u pogledu iznosa primljenih uplata i fonda dobitaka.

Član 40.

Izvještaj o rezultatima izvlačenja brojeva pojedinog kola igre TV TOMBOLA BINGO, priređivač će javno objaviti.

Član 41.

Izvještaj o rezultatima izvlačenja sadrži:

- redni broj kola;
- datum izvlačenja određenog kola;
- iznos primljene uplate;
- fond za raspodjelu dobitaka;
- iznos fonda određen za pojedine vrste dobitaka;
- svi izvučeni brojevi, po redoslijedu izvlačenja;
- ukupni broj i iznos dobitaka;
- mjesto, broj zastupnika, broj potvrde i serijski broj pomoćnog listića prve vrste;
- rok za isplatu dobitaka;
- mjesto, broj zastupnika, broj potvrde i serijski broj pomoćnih listića izvučenih SMS poruka za igru Igrač-gost;
- mjesto, broj zastupnika, broj potvrde i serijski broj pomoćnog listića izvučenih dobitaka putem SMS poruka .

Izvještaj iz predhodnog stava podliježe postupku utvrđivanja i potvrđivanja dobitaka od strane Komisije iz čl.36.stav 2.ovih Pravila.

Privremeni izvještaj

Član 42.

Na temelju čl. 37. Pravila, priređivač sastavlja Privremeni izvještaj o rezultatima izvlačenja i utvrđenim iznosima dobitaka po vrstama za pojedino kolo igre TV TOMBOLA BINGO.

Privremeni izvještaj iz stava 1. priređivač objavljuje u dnevnim novinama.

Ovaj izvještaj smatra se privremenim u pogledu broja i iznosa dobitaka «BINGO» i «DESET POGODAKA».

Privremeni izvještaj sadrži:

- redni broj kola;
- datum izvlačenja određenog kola;
- svi izvučeni brojevi po redoslijedu izvlačenja;
- broj dobitaka i iznos dobitaka po vrstama;
- iznos primljene uplate;
- fond za raspodjelu dobitaka;
- iznos fonda određen za pojedine vrste dobitaka;
- mjesto, broj zastupnika, broj potvrde i serijski broj pomoćnog listića dobitaka prve vrste;
- rok isplate dobitaka;
- rok za prigovore;
- mjesto, broj zastupnika, broj potvrde i broj pomoćnih listića izvučenih SMS poruka za učešće u igri Igrač-gost;

- iznosi nagrada u igri Igrač-gost za narednu emisiju TV Binga;
- mjesto, broj zastupnika, broj potvrde i serijski broj pomoćnih listića izvučenih dobitaka putem SMS poruka,
- ostale obavijesti koje su potrebne učesnicima u igri.

Član 43.

Učesnici pojedinog kola igre TV TOMBOLA BINGO koji su ostvarili neki od dobitaka, a broj njihove potvrde nije objavljen ili nije pravilno objavljen, imaju pravo podnijeti pisani prigovor na propisanom obrascu za isplatu dobitaka 1. i 2. vrste u roku od četiri (4) dana računajući od prvog idućeg dana po objavljivanju Privremenog izvještaja.

Prigovor se dostavlja priređivaču preporučenom pošiljkom ili neposredno predaje u službenom radnom vremenu priređivača u Sarajevu.

Pravovremeno podnijeti prigovor je onaj koji je primljen kod priređivača u roku iz stava 1. i 2. ovog člana.

Prigovori primljeni po isteku roka iz stava 1. i 2. ovog člana smatraju se nepravovremenim i odbacuju se.

Isplata dobitaka treće vrste za koje se utvrdi da nisu objavljeni u izvještaju, može se izvršiti do isteka zastarnog roka.

Svi učesnici pojedinog kola igre na sreću TV Tombola Bingo dužni su čuvati potvrde o uplati do objavljivanju konačnog izvještaja.

Član 44.

Prigovor za priznanje dobitka obavezno sadrži:

- datum izvlačenja;
- redni broj kola;
- uplatni broj potvrde;
- serijski broj;
- broj kombinacije koja služi kao osnova za izjavljeni prigovor;
- prodajno mjesto na kojem je obavljena uplata;
- činjenice na kojima se temelji prigovor;
- čitko ime i prezime i adresu podnositelja prigovora.

Prigovor koji sadrži netačne podatke, smatra se neopravdanim i odbija se.

Član 45.

Pravovremeno primljene prigovore razmatra Komisija za utvrđivanje dobitaka.

Nakon provedenog postupka i utvrđivanja činjeničnog stanja Komisija o tome sastavlja zapisnik.

Konačni izvještaj

Član 46.

Na osnovu privremenog izvještaja i zapisnika iz člana 42. ovih Pravila sastavlja se Konačni izvještaj određenog kola igre TV TOMBOLA BINGO.

Konačni izvještaj sadrži:

- redni broj kola i datum izvlačenja;

- uplatne brojeve potvrda opravdanih ili neopravdanih prigovora;
- broj dobitaka i iznos dobitaka po vrstama;
- iznos primljene uplate;
- fond za raspodjelu;
- iznos fondova određenih za pojedine vrste dobitaka;
- rok zastare isplate dobitaka;
- ispravke eventualne greške iz prethodnog kola.

Konačni izvještaj o rezultatima izvlačenja brojeva pojedinog kola igre TV TOMBOLA BINGO, priređivač će javno objaviti najkasnije u roku od sedam dana od dana objavljivanja Privremenog izvještaja, u dnevnim novinama.

Konačni izvještaj potpisuje generalni direktor Priređivača.

14. NAČIN I ROK ISPLATE DOBITAKA

Način isplate

Član 47.

Isplata dobitaka JACKPOT i BINGO obavlja se po konačnom izvještaju u sjedištu priređivača.

Isplatu dobitaka druge, treće, četvrte i pete vrste mogu obavljati prodavači, na osnovu Privremenog izvještaja.

Isplata dobitaka u nagradnoj igri igrač-gost isplaćuje se na račun igrača u roku od pet dana od dana izvlačenja.

Ukoliko dobitnik ima dobitak na Bingu i igri Igrač-gost, isplata dobitaka vrši se istovremeno, na isti način kao u stavu 3. ovog člana.

Isplatu svih dobitaka obavlja priređivač u svom sjedištu, odnosno sjedištima regiona, ili putem poslovnica banaka ovlaštenih za isplatu dobitaka.

Član 48.

Pri isplati dobitka učesnik je dužan predati u ispravnom stanju potvrdu o uplati ili prezentovati SMS poruku sa naplatnim kodom (KOD 2).

Ispravna potvrda je ona koja sadrži sve elemente navedene u članu 18. i 20. ovih Pravila.

Uz predaju potvrde učesnik je dužan predati na uvid ličnu ispravu osobi koja obavlja isplatu, ako se radi o oporezivom dobitku.

Porez na dobitke

Član 49.

Fizička lica, koja su ostvarila dobitak od igara na sreću, plaćaju porez u skladu sa Zakonom.

Rok isplate

Član 50.

Isplata novčanih dobitaka obavlja se u roku od 30 dana od dana objavljivanja Konačnog izvještaja.

Neisplaćeni dobici

Član 51.

Ako dobitnik ne zatraži isplatu novčanog dobitka u roku od 30 dana od dana objavljivanja Konačnog izvještaja, priređivač će sa neisplaćenim dobicima postupiti u skladu sa članom 31. Zakona o igrama na sreću.

15. NAČIN UPOZNAVANJA UČESNIKA U IGRI S OVIM PRAVILIMA

Član 52.

Ova Pravila nalaze se na svim prodajnim mjestima priređivača.

Licima zainteresiranim za učestvovanje u igri TV TOMBOLA BINGO priređivač je dužan omogućiti upoznavanje s ovim Pravilima, odnosno dati ih na uvid.

Član 53.

Ova se Pravila mogu objaviti na način kako to odredi priređivač (skraćena), a u svrhu bržeg i jednostavnijeg upoznavanja igrača s igrom TV TOMBOLA BINGO.

16. POSTUPAK U SLUČAJU OTKAZIVANJA IZVLAČENJA

Član 54.

Termin direktnog izvlačenja može se promijeniti.

Priređivač može, saglasno sa članom 27. Zakona o igrama na sreću, iz opravdanih razloga isključivo tehničke prirode otkazati zakazano izvlačenje, .

17. PRIJELAZNE I ZAVRŠNE ODREDBE

Član 55.

Priređivač je dužan čuvati zapise potvrda na neizbrisivom optičkom disku (DVD) najmanje dvije godine računajući od dana održanog izvlačenja određenog kola, osim u slučaju kada je pokrenut sudski spor radi ostvarivanja prava iz učešća u igri TV Tombola Bingo, te se tada zapisnici čuvaju do pravosnažnosti sudske odluke.

Član 56.

Za rješavanje sporova koji proisteknu iz učestvovanja u igri TV TOMBOLA BINGO mjesno i stvarno je nadležan Općinski sud u Sarajevu.

Član 57.

Ova Pravila igre na sreću TV TOMBOLA BINGO stupaju na snagu narednog dana od dana objavljivanja u sredstvima javnog informisanja.

Član 58.

Stupanjem na snagu ovih Pravila prestaju da važe Pravila igre na sreću TV Tombola Bingo, br.01-1-2037-3/11. od 07.12.2011. godine; br.01-5-776-9-2/12. od 25.06.2012. godine; br.01-VS-1243-MS/12. od 24.07.2012. godine, br.01-15-756-5/13. od 24.04.2013. godine i 01-17-1379-4/13 od 05.07.2013. godine.

Broj: 01-27-497-3/14.
Dana: 13.03.2014.godine

P R E D S J E D N I C A

Ivana Bunoza, s.r.